



2022 ADRODDIAD BLYNYDDOL



Fforwm Llyfrgelloedd Addysg Uwch Cymru
Wales Higher Education Libraries Forum



© Matt Lincoln

Neges gan ein Cadeirydd

Croeso i'r adolygiad blynyddol o weithgareddau WHELF yn 2022, blwyddyn pan fanteisiodd llawer ohonom ar y cyfle i fyfrio ar effaith y pandemig a'r hyn mae'r blynyddoedd diweddar wedi'i olygu i ni, yn bersonol ac yn broffesiynol.

Yn ystod y flwyddyn gwelwyd nifer o newidiadau i aelodaeth Bwrdd WHELF. Croesawyd Robin Armstrong-Viner i'w gyfarfod WHELF cyntaf ym mis Gorffennaf yn Llandrindod.

Hoffwn gymryd y cyfle hwn i ddiolch iddo am ei gyfraniadau i'n sgyr-siau, yn y cyfarfod a hefyd ar y daith drên hyfryd drwy'r canolbarth. Mae ei ddealltwriaeth a'i ddoethineb eisoes yn cael effaith gadarnhaol ar waith y consortiwm, a dymunaf yn dda iddo yn ei rôl ym Mhrifysgol Abertawe.

Ffarweliwyd â'r cyn aelod o'r bwrdd Dr Andrew Dalglish o Brifysgol De Cymru. Mae ei ymddeoliad yn golygu bod WHELF yn colli cyfoeth o brofiad a sgiliau, yn benodol hoffwn nodi ei gyfraniadau i'r Prosiect LMS Cyffredin a Bwrdd LMS. Dymunaf yn dda iddo yn ei ymddeoliad

Hoffwn hefyd gymryd y cyfle i ddiolch i Gareth Owen a Jenny McNally o Brifysgol Caerdydd am eu gwaith yn sicrhau llwyddiant cynhadledd IGeLU ym mis Medi 2022. Rwyf i'n ddiolchgar hefyd am gyfraniadau llawer o gydweithwyr eraill yn WHELF ar draws Prifysgol Caerdydd a CBCDC; roedd yn ymdrech gwirioneddol gan dîm WHELF i ddatblygu'r genhedlaeth nesaf o arweinwyr.

Neges gan ein Cadeirydd

Bu WHELF yn cydweithio gydag Advance HE a SCUNUL i gyflwyno rhaglen arweinyddiaeth i'n uwch dimau, a chyflwynwyd hyn ar-lein drwy gydol hydref 2022.

Croesawyd arsylwyr hefyd i'n cyfarfodydd Bwrdd, er mwyn sicrhau llywodraethu da, dysgu gan eraill a phrofi amrywiaeth ehangach o leisiau. Diolch i Ruth Thornton (Prifysgol Caerdydd), Sarah Jones (PCDDS) a Julie Neenan (Prifysgol Metropolitan Caerdydd) am eu gwaith gyda'r Bwrdd yn ystod 2022.

Hoffwn ddiolch hefyd i JISC am eu cefnogaeth i WHELF yn rhan o'r rhaglen o ddigwyddiadau. Rhannodd cydweithwyr o JISC (Cymru) amynedd, sgil ac arbenigedd wrth gefnogi ein cynhadledd Lleisiau Eithriedig a'n colocwim blynyddol, a heb eu cyfraniad byddai'r digwyddiadau hyn wedi bod yn llawer mwy heriol i ni eu darparu i'n cymuned.

Diolch i bob aelod o'r Bwrdd am eu cyfraniad i'r consortiwm dros y flwyddyn ddiwethaf, a'r cymorth maent wedi'i roi i mi fel Cadeirydd. Mae wir wedi bod yn fraith. I bob aelod o'r Is-grwpiau, rwy'n rhyfeddu at y gwaith rydych chi'n ei wneud i gefnogi Strategaeth a Chynllun Gweithredu WHELF: rydych chi i gyd yn wych.

Yn 2023 bydd WHELF yn dathlu 30 mlynedd, ac rwy'n edrych ymlaen at gymryd y cyfle i fyfyrion ar bŵer ein cydweithio parhaus a'r cyfleoedd y gallai'r 30 mlynedd nesaf eu cynnig.

Alison Harding

*Pennaeth Gweithredol Adnoddau Llyfrgell a Dysgu: PCDDS
Cadeirydd WHELF - 2023*



WHELF sefydliad sy'n Cefnogi Dinas Noddfa

Mae'n bleser gan WHELF gyhoeddi ei fod wedi cofrestru fel Sefydliad sy'n Cefnogi Sefydliad Dinas Noddfa, y mae ei adduned yn dweud:

"Cefnogwn weledigaeth 'Dinas Noddfa', y bydd y DU yn lle croesawgar a diogel i bawb ac yn falch i gynnig noddfa i bobl sy'n ffoi rhag trais ac erledigaeth.

Rydym yn cefnogi Siarter Dinas Noddfa, ac yn cytuno i weithredu'n unol â gwerthoedd Dinas Noddfa a chymhwyso egwyddorion y rhwydwaith yn ein gwaith (i'r graddau y mae ein cyd-destun penodol yn ein galluogi i wneud hynny).

Cydnabyddwn gyfraniad pobl sy'n ceisio noddfa. Caiff ceiswyr noddfa eu croesawu, eu cynnwys a'u cefnogi o fewn ein cyd-destun. Disgwylwn i'n canghennau neu grwpiau lleol (os oes rhai) gefnogi eu grŵp Dinas Noddfa lleol os oes un yn bodoli, a byddwn yn hwyluso cyswllt rhyngddynt â'u grŵp Dinas Noddfa lleol".

Newyddion WHELF

Ar ôl 39 mlynedd o wasanaeth ym Mhrifysgol De Cymru (a'i sefydliadau blaenorol), ymddeolodd Ann Cross, Pennaeth Gwasanaethau Llyfrgell Academaidd o'r Brifysgol yn ystod haf 2022.

Penderfynodd Ann ymddeol yn gynnar i deithio a mwynhau amser gyda'i theulu, yn dilyn gyrfa gadarnhaol a llwyddiannus yn y proffesiwn Llyfrgell a Gwybodaeth gyda'r Brifysgol. Penllanw ei gyrfa oedd i Ann ddod yn Asesydd Advance HE, yn fentor CILIP ar gyfer ymgeiswyr am statws siartredig ac yn aelod gwerthfawr o gymuned Prifysgol De Cymru. Nodwyd ymddeoliad cynnar Ann gyda chinio dathlu yng nghwmni uwch gydweithwyr ac yna ddatiliad amser cinio agored gyda llawer o gydweithwyr a ffrindiau (hen a newydd)

Ym mis Gorffennaf 2022 penodwyd Robin Armstrong Viner yn Gyfarwyddwr Cyswllt: Pennaeth Llyfrgelloedd yng Nghyfarwyddiaeth Gwasanaethau Academaidd Prifysgol Abertawe. Yn flaenorol bu Robin yn Bennaeth Gwasanaethau Llyfrgell yn y Courtauld Institute of Art yn Llundain. Diolch i Lori Havard am ei gwaith gyda Bwrdd WHELF cyn i Robin gyrraedd.



Newyddion WHELF

Prifysgol Metropolitan Caerdydd wedi dod i drefniant gefeillio gyda chydweithwyr yn Wcráin **ym Mhrifysgol Addysgegol Genedlaethol H.S. Skovoroda Kharkiv**.

Mae'r Gwasanaeth Llyfrgell wedi bod yn gweithio i gefnogi cydweithwyr yno gan rannu adnoddau drwy gynllun RapidILL, ac yn adeiladu ardal 'Kharkiv - Caerdydd: man gwybodaeth sengl' yn defnyddio MS Teams fel llwyfan ar gyfer rhannu gwybodaeth, sgysiau a meithrin cymuned ar draws y staff a'r myfyrwyr yn y ddwy Brifysgol .



Delweddau o H.S.Skovoroda, Llyfrgell Wyddonol Kharkiv .

Mae holl lyfrgelloedd addysg uwch WHELF wedi bod yn ymwneud â thrafodaethau sefydliadol tebyg rhwng Cymru a Wcráin, yn dilyn ymosodiad Rwsia ar Wcráin a'r rhyfel dilynol.

Newyddion WHELF

Cynhaliodd WHELF ddigwyddiad **Rhestr Ddarllen** hynod o lwyddiannus ar 13 a 14 Gorffennaf, gyda siaradwyr a chynrychiolwyr o bob rhan o Brydain Fawr.

Dangosodd siaradwyr yr amrywiol brosiectau a gynhelir mewn llyfrgelloedd addysg uwch gan rannu llawer o enghreifftiau o arfer da.

Roedd y pynciau'n cynnwys:

Datgoloneiddio rhestrau darllen

Cynnwys staff A myfyrwyr wrth gynllunio pecynnau cymorth rhestrau darllen

Defnyddio dadansoddeg i gynllunio a gwella rhestrau darllen.

Diolch i Rebecca Mogg a Scott Pryor (Prifysgol Caerdydd), Jenny McNally (Rheolwr Busnes LMS WHELF) ac Andrew Brown (Prifysgol Abertawe) am drefnu'r digwyddiad.

Mae WHELF yn bwriadu ei drefnu eto yn 2023, yn dilyn adborth cadarnhaol gan y rhai oedd yn bresennol.

Cyflwynodd nifer o sefydliadau WHELF **Fannau Cynnes** yn eu llyfrgelloedd ac edrych ar ffyrdd i helpu myfyrwyr e.e. drwy beidio â chodi dirwyon am fenthyciadau hwyr.

Prifysgol Abertawe

Creodd llyfrgellwyr pwnc, ynghyd â chydweithwyr o'r Ganolfan Llwyddiant Academaidd (CAS), dudalen gwe gydweithredol yn casglu'r holl gymorth a hyfforddiant i fyfyrwyr ar sgiliau digidol.

w.y.d 28 Mawrth 2022 oedd wythnos Sgiliau Digidol Myfyrwyr, a lansiwyd y dudalen gwe a'i hyrwyddo drwy'r cyfryngau cymdeithasol a blogiau ynghyd â sylw yng nghylchlythyr y myfyrwyr.

Aeth Llyfrgellwyr Pwnc a chydweithwyr CAS ati gyda'i gilydd i greu tudalen gwe i fyfyrwyr ar Unplygrwydd Academaidd. Mae'n cynnwys fideo o un o lyfrgellwyr pwnc Abertawe a'r DPVC dros Addysg ynghylch melinau traethodau.

Datblygwyd y datganiad Shifft Digidol, gan fyfyrwyr ar yr hyn a ddysgwyd o bandemig COVID-19 ac edrych ymlaen at genhadaeth, gweledigaeth a strategaeth hyd at 2027 y mae'n disgwyl ei chyhoeddi yn ystod haf 2023.

Yn y cyflwyniad Rhagoriaeth Gwasanaethau Cwsmeriaid derbyniodd Llyfrgelloedd 24 o asesiadau Cydymffurfio Plus, a chadwodd Archifau Richard Burton a'r Ganolfan Eifftaidd eu hachrediadau.


Dechreuodd paratoadau i Lyfrgell Glowyr De Cymru ymuno â Llyfrgell Ganolog Abertawe a Gwasanaeth Archifau Gorllewin Morgannwg mewn Hyb Cymunedol newydd yng nghanol y ddinas yn 2024.

Ymddeolodd Carolyn Graves-Brown o'r Ganolfan Eifftaidd ym mis Ebrill, ar ôl trawsnewid yr amgueddfa'n amgueddfa a gydnabyddir yn rhyngwladol dros y 25 mlynedd y bu'n arwain y gwasanaeth. Olynodd Ken Griffin a Wendy Goodridge Carolyn yn Guradur a Rheolwr yr Amgueddfa yn eu tro.

Parhaodd y Llyfrgelloedd i ddangos ymrwymiad i gydraddoldeb, amrywiaeth a chynhwysiant. Bu'r Grŵp Gwasanaethau Cynhwysol yn cydlynw'r ail **DDigwyddiad Llyfrau Byw** ym mis Mawrth a chynhyrchwyd [pecyn cymorth defnyddiol](#) i eraill sy'n dymuno trefnu digwyddiadau tebyg.

(Robin Armstrong Viner)

Prifysgol Aberystwyth



*Ceiniogau'r Werin / The Pennies of the People (Prifysgoll Aberystwyth)
Ffotograff gan Rolant Dafis*

Dathlodd Prifysgol Aberystwyth ei chanmlwyddiant a hanner gyda chyfres o ddigwyddiadau a chyhoeddi **Ceiniogau'r Werin**, cyfrol yn nodi canrif a hanner mewn 150 gwrthrych.

Croesawodd y Brifysgol hefyd ei charfan gyntaf o fyfyrwyr Nyrsio.

Chwaraeodd y llyfrgell rôl allweddol yn y ddau ddigwyddiad, gan ddod o hyd i wrthrychau ar gyfer y llyfr a recriwtio llyfrgellydd pwnc nyrsio

(Julie Hart)

Prifysgol Bangor

Traddodwyd darlith flynyddol yr Archifau a Chasgliadau Arbennig **“Golwg Newydd ar Ifor Williams”** gan yr Athro Marged Haycock a chafwyd cynulleidfa dda.

Hefyd, ym mis Hydref 2022 roedd gweithdy ar ddeunydd Jamaica yng nghasgliad Penrhyn yn rhan o raglen ledled y Brifysgol yn dathlu Mis Hanes Pobl Dduon.

Mae'r Archifau a Chasgliadau Arbennig wedi bod yn gweithio gyda'r Hyb Archifau ar eu prosiect [Labs](#) i archwilio a datblygu disgrifio, darganfod a rhyngwynebau defnyddwyr mewn archifau.

Mae Casgliadau Arbennig newydd a ychwanegwyd yn 2022 yn cynnwys sgriptiau drama oedd yn perthyn i John Gwilym Jones, 1904-1988 a thrawsgrifiadau o recordiadau a wnaed ar gyfer rhaglen ddogfen S4C a ddarllledwyd yn 2021 – **“Lleisiau'r Ail Ryfel Byd”**.

Fel rhan o'r Weledigaeth Dysgu Gwell ar gyfer coridor dysgu hyblyg a dynamig, mae'r holl stoc o lyfrau llyfrgell ffisegol campws Bangor bellach yn y Brif Lyfrgell.

Mae dwy Ystafell ddarllen wedi'u haddasu i ddarparu rhediad sengl o ddeunydd y mae galw uchel amdano a deunydd addysgu. Mae'r trefniant symlach hwn o stoc yn gwneud dod o hyd i ddeunydd yn haws ac yn gyflymach.

Mae myfyrwyr ar ein campws yn Wrecsam bellach yn mwynhau cyfleusterau PC a dysgu cymdeithasol 24/7 yn ogystal â locer llyfrau i wella'r gwasanaethau yno.

Yn olaf, cafodd 31,000 o lyfrau print, cyfnodolion a phamffledi ychwanegol eu catalogio ar ein system CAO A yn ein Cronfa Ymchwil oddi ar y safle. Mae hyn yn sicrhau 100% darganfyddoldeb wrth Chwilio'r Llyfrgell, gwelededd global uwch a chadwraeth sicr i'r deunyddiau ymchwil unigryw a phwysig hyn.

(Tracey Middleton)

Prifysgol Caerdydd

Yn 2022 llwyddodd Llyfrgell Prifysgol Caerdydd i:

- sicrhau ail-achrediad ar gyfer Rhagoriaeth Gwasanaeth Cwsmeriaid, gyda 14 maes cydymffurfio plus.
- cyflwyno'r gwasanaeth benthyca gliniaduron ymhellach ac uwchraddio mannau astudio yn rhai o'r llyfrgelloedd, gan gynnwys ASSL, lechyd a'r Parth Astudio Ôl-raddedig ar y Campws lechyd.
- gweithio ar astudiaeth dichonoldeb ar gyfer llyfrgell newydd ar gampws Cathays a chael rhywfaint o gyllid gan y brifysgol ar gyfer adnewyddu dros dro yn ASSL.
- dechrau peilota system rheoli meddiannaeth yn ASSL, gan ddefnyddio *Affluences*.
- sicrhau cyllid gan gronfa RIF y Brifysgol i ddatblygu hyb ymchwil y dyniaethau digidol.
- cynllunio prosiect cydymffurfio ac eiriolaeth mynediad agored ac ymgysylltu â'r brifysgol ar strategaeth cadw hawliau a datblygiadau i'r diwylliant ymchwil.
- dod yn rhan o brosiect platfform cyllido torfol Crowd Cymru a gyllidir gan Gronfa Treftadaeth y Loteri.

Mae Prifysgol Caerdydd wedi cyflwyno cais i fod yn Brifysgol Noddfa a hefyd wedi llofnodi cytundeb partneriaeth gydag Amgueddfa Cymru - Museum Wales.

Roedd y Llyfrgell yn weithgar ar y ddau ddatblygiad.

(Tracey Stanley)

Prifysgol Metropolitan Caerdydd

Ysgrifenna Mark Hughes, y Pennaeth Llyfrgelloedd:

Bu 2022 yn dipyn o flwyddyn gyda llyfrgelloedd Met Caerdydd yn gweithio drwy addasiadau a datblygiadau sy'n adlewyrchu'r tirlun ôl-COVID ac edrych i'r dyfodol gyda 'Strategaeth 2030' newydd y Brifysgol yn cael ei chwblhau.

Rydym ni'n parhau i esblygu a datblygu ein '**rhaglen Gweithdai**', yn cyflwyno sesiynau adeiladu sgiliau llythrennedd gwybodaeth a sgiliau academiaidd i garfannau o fyfyrwyr mewn ffordd ffres, gan ganolbwyntio ar anghenion allweddol ar draws Cylch Oes y Myfyriwr drwy gydol y flwyddyn academiaidd. Mae poblogrwydd y sesiynau hyn wedi cynyddu'n sylweddol, ac yn cael eu cyflwyno'n ddigidol ac wyneb yn wyneb, gyda chefnogaeth ein porth Gwybodaeth Anghydamseredig '*StudySmart*'




Prifysgol Metropolitan Caerdydd

Rydym ni'n parhau i esblygu a thyfu ein gweithgareddau cymorth ymchwil. Eleni rydym ni wedi lansio rhaglen hyfforddi ymchwil wedi'i hadnewyddu - *Research(er) Elements*.

Cwblhawyd y gwaith o fudo cynnwys ystorfa a gwaddol y Brifysgol o *DSpace* i lwyfan **Figshare** – mae Figshare hefyd bellach yn ehangu ar yr hyn rydym ni'n ei gynnig o ran ymchwil agored.

Rydym ni hefyd wedi lansio cynllun peilot i ehangu ein cefnogaeth i gyhoeddi OA yn Met Caerdydd – mae hyn wedi golygu cyllido costau APC o 74% o'r allbynnau cymwys (i fyny o 50% 12 mis yn ôl).





Cyfoeth Naturiol Cymru Natural Resources Wales

Mae gan Wasanaeth Gwybodaeth a Llyfrgell Cyfoeth Naturiol Cymru dîm parhaol newydd bellach, dan arweiniad Beth Hall.

Penodwyd Jo Hindes a Kester Savage yn hydref 2021 ac maent yn uchelgeisiol ar ran y llyfrgell wrth iddi ailagor i gydweithwyr ac i'r cyhoedd yn dilyn lleddfu cyfyngiadau Covid-19.

Ym mis Mai, cyflwynodd Jo a Kester yng nghynhadledd ar-lein **CILIP Cymru**, gan amlinellu rôl y Gwasanaeth Gwybodaeth a Llyfrgell yn cefnogi gwaith Cyfoeth Naturiol Cymru wrth ddiogelu'r amgylchedd yng Nghymru.

Mae'r llyfrgell wedi dechrau cefnogi myfyrwyr PhD sy'n gweithio ar leoliad gwaith gyda Chyfoeth Naturiol Cymru.


Ym mis Hydref cynhaliwyd **Diwrnod Geo amrywiaeth** llwyddiannus iawn yn y llyfrgell ym Maes y Ffynnon, a gyflwynwyd gan un o ddaearegwyr Cyfoeth Naturiol Cymru, Ray Roberts.

Mae'r llyfrgell bellach yn cynnig mynediad i gydweithwyr at lwyfan ar-lein y Sefydliad Safonau Prydeinig, BSOL. Mae hwn wedi profi'n adnodd poblogaidd iawn.

(Kester Savage)

Coleg Brenhinol Cerdd a Drama Cymru

Cawsom adnewyddiad bach yn ystod haf 2022, yn dilyn adborth gan fyfyrwyr.



Aethom ati i wella'r arwyddion drwy'r Llyfrgell a thrawsnewid yr hen labordy cyfrifiadurol yn ystafell astudio grŵp a chyfrifiadura fwy cyfoes, ynghyd â desgiau hygrych y gellir eu haddasu'n llawn.

Mae'r myfyrwyr wedi ymateb yn gadarnhaol i'r defnydd o ddodrefn lliwgar, a natur agored yr ystafell ei hun, a chael mannau sy'n annog cydweithio.



Ychwanegodd y Llyfrgell gadeiriau eistedd hefyd i ddarparu lle i'r myfyrwyr allu bod yn fwy cyfforddus nag wrth ddesg.

Maent hefyd yn lle tawel i eistedd, sy'n arbennig o fuddiol i fyfyrwyr ag anghenion synhwyraidd, yn enwedig mewn amgylchedd hynod ysgogol CBCDC

Coleg Brenhinol Cerdd a Drama Cymru

Daeth y prosiect a gyllidwyd gan Ymddiriedolaeth Colwinston gyda **Chasgliad Foyle Opera Rara** i ben ym mis Tachwedd 2022.

Cymerodd un o'n Cynorthwywyr Llyfrgell, Mandie Garrigan, yr awenau gan Judith i gwblhau'r prosiect yn ystod haf 2022 ar ôl i'r prosiect gael ei oedi ym mis Medi 2020.

Yn y prosiect hwn cafodd 727 sgôr prin eu catalogio, 233 o eitemau eu digido, ac agorwyd y casgliad ymhellach at ddibenion addysgu, ymchwil ac ymgysylltu.

Ddiwedd 2019, dyfarnwyd grant anrhydeddus i CBCDC gan yr Ymddiriedolaeth Cadwraeth Llawysgrifau Genedlaethol (NMCT) i dalu am waith cadwraeth ar lawysgrifau yng Nghasgliad Foyle Opera Rara. Mae'r rhain yn dyddio o'r 19eg ganrif ac yn cynnwys llawysgrifau wedi'u llofnodi gan Donizetti a chyfansoddwyr opera bel canto dylanwadol eraill.

Gwnaed y gwaith gan Lydia Stirling yn Archifau Morgannwg, a rhoddodd hyfforddiant drwy leoliadau gwaith i fyfyrwyr cadwraeth ym Mhrifysgol Caerdydd.

Cwblhawyd y gwaith ym mis Hydref 2022.

Cyn cyflawni'r gwaith cadwraeth, roedd y llawysgrifau'n rhy fre-gus i gael eu trin a'u defnyddio. O ganlyniad i'r gwaith, erbyn hyn mae modd eu trin ac mae llawer wedi'u digido i alluogi mynediad rhyngwladol at yr eitemau unigryw hyn.

(Judith Dray)

Prifysgol De Cymru

Yn ystod haf 2022, gwelodd Prifysgol De Cymru gynnydd o 11% mewn niferoedd myfyrwyr, gyda symudiad sylweddol mewn demograffeg gyda chynnydd yn y boblogaeth o fyfyrwyr ôl-raddedig a rhyngwladol.

Mae'r Brifysgol wedi ystyried beth mae'r newid hwn yn nemograffeg ac anghenion myfyrwyr yn ei olygu i bob maes. Cynhaliodd y Gwasanaethau Dysgu weithdai ar ymateb i'r anghenion newidiol hyn, a newid y model cyflenwi gwasanaeth gan gynnwys gwell digwyddiadau cynefino a chroesawu, cynnwys ychwanegol i'r llyfrgell, adnoddau astudio grŵp newydd, a buddsoddi mewn canolfan Datblygu Myfyrwyr a Sgiliau Astudio newydd ar gampws Trefforest.

Yn haf 2022, gwelodd Prifysgol De Cymru gynnydd o 29 safle yn y Guardian University Guide 2022 (tabl cynghrair), gan ein gosod yn 53ydd yn y DU, y safle uchaf mae'r Brifysgol wedi'i gyflawni yn ei hanes.

Mae gwelliannau o ran ansawdd, profiad y myfyriwr a metrigau asesu academiaidd wedi cyfrannu at y perfformiad gwell.

Gan ddilyn hyn mae'r Brifysgol wedi sefydlu saith Ffactor Llwyddiant Critigol, gyda'r Gwasanaethau Llyfrgell yn cyfrannu'n uniongyrchol at ffactorau 1-5, sy'n canolbwyntio ar lwyddiant myfyrwyr.

Prifysgol De Cymru

Fel rhan o strategaeth Prifysgol De Cymru 2030 mae'r Brifysgol wedi datblygu cynllun gweithredu **Canlyniadau Gwahaniaethol**, dan nawdd y Dirprwy Is-Ganghellor (Academaidd), i fynd i'r afael â'r bwlch dilyniant, parhad a dyfarnu i fyfyrwyr sydd â nodweddion gwarchodedig ac sy'n wynebu rhwystrau systemig a strwythurol at lwyddiant.

Mae'n cynnwys myfyrwyr â nodweddion gwarchodedig gan gynnwys: myfyrwyr anabl, myfyrwyr Du a lleiafrifoedd ethnig, a'r rheini o ddemograffeg WIMD 1 a 2, sy'n wynebu'r rhwystrau mwyaf at lwyddo.

Mae cydweithwyr o'r Gwasanaeth Llyfrgell a'r Gwasanaethau Dysgu ehangach yn mynd ati i gyflenwi'r cynllun newydd, sydd wedi'i helaethu gan ddangosfwrdd demograffeg PowerBI.

Diolch i dîm Gwasanaethau Llyfrgell Prifysgol De Cymru a ymgwymerodd â phrosiect golygu stoc sylweddol i ail-gyflunio lle ar gyfer gwireddu'r newidiadau a'r gwelliannau ar gampysau Casnewydd a Threfforest, i gynnwys

- podiau astudio newydd *OrangeBox* ar gampws Trefforest,
- dodrefn astudio newydd,
- dodrefn astudio grŵp newydd
- ystafell hyfforddi wedi'i hadnewyddu

a'r cyfan wedi'i seilio ar adborth gan fyfyrwyr a newidiadau i gyflwyno'r cwricwlwm

(Emma Adamson)



Bywgraffiadau PCDDs

Yn ystod y cyfnod clo, datblygodd staff Casgliadau Arbennig ac Archifau Prifysgol Cymru y Drindod Dewi Sant brosiect i ymchwilio i fywgraffiadau 200 o gyn-aelodau staff a chyn-fyfyrwyr i baratoi ar gyfer dathliadau Dau Ganmlwyddiant y Brifysgol yn 2022. Roedd y prosiect yn bosibl oherwydd bod yr Ystafell Ddarllen ar gau, oedd yn caniatáu i staff ymgymryd â gwaith arall. Mae'r bywgraffiadau'n adnodd gwerthfawr i ymchwilwyr ac wedi denu diddordeb eang a chyffro ymhlith cyn-fyfyrwyr.

Mae ansawdd yr ymchwil i'r unigolion yn golygu bod y *Bywgraffiadur Cymreig* wedi holi am gael addasu nifer o'r bywgraffiadau i'w cynnwys ar eu gwefan. Mae'r bywgraffiadau ar gael yn Gymraeg a Saesneg ar wefan PCDDs ac wedi'u hargraffu'n ddiweddar fel cyfres o lyfrynau sydd ar werth.

Roedd y prosiect Bywgraffiadau'n un o nifer o weithgareddau a gyflawnwyd gan yr adran Casgliadau Arbennig ac Archifau ar gyfer y Ddau Ganmlwyddiant. Trefnwyd a chyflwynwyd cyfres lwyddiannus o sgysiau, arddangosfeydd a chyfrol olygedig o Drysorau'r adran hefyd.




Cacen llyfr i ddathlu'r ddau ganmlwyddiant. Credyd llun PCDDS.

Prifysgol Cymru y Drindod Dewi Sant 1822-2022

An Unfolding Vision

THE UNIVERSITY OF WALES
TRINITY SAINT DAVID
1822 – 2022



Edited by John Morgan-Guy



TREASURES

The Special Collections of the
University of Wales Trinity Saint David

Edited by John Morgan-Guy



Llyfrau a ysgrifennwyd i nodi'r ddau ganmlwyddiant - credyd llun PCDDS .

PCDDS — Newyddion y Ganolfan Ddigidol

Yn dilyn ffurfio tîm sgiliau digidol i'r Brifysgol o fewn yr LLR yn 2021 a chyflwyno adnodd galluoedd digidol JISC, lansiwyd adnoddau oedd newydd eu datblygu ar gyfer staff a myfyrwyr.

Nod y ganolfan arloesol yw cefnogi amcanion ein Strategaeth Ddigidol newydd ac mae'n cynnig porth i staff a myfyrwyr ddatblygu eu sgiliau digidol yn defnyddio amrywiaeth o adnoddau, gan ddechrau gyda holiadur hunanasesu i werthuso lefelau sgiliau digidol cyfredol a chynnig adnoddau hyfforddi a datblygu i adeiladu a datblygu'r sgiliau hynny. Argymhellir llwybrau dysgu yn Moodle y gall cyfranogwyr weithio drwyddynt yn eu pwysau ac ennill bathodynau digidol mewn unrhyw rai o'r chwe chymhwysedd, fel y diffiniwyd gan y Cydbwyllgor Systemau Gwybodaeth (JISC).

Roedd y gwaith hwn yn rhan o astudiaeth achos gan JISC a gyhoeddir ar wefan y Drindod Dewi Sant | Codi Galluedd Digidol (jisc.ac.uk)

Yn dilyn lansio'r gwasanaeth hwn, cysylltodd y Brifysgol Agored â ni fel enghraifft o arfer da gan ofyn i ni gyfrannu at gwrs agored ar drawsnewid digidol yng Nghymru. Bydd y prosiect yn cyflwyno cyfres o asedau ac adnoddau digidol dwyieithog i alluogi SAUau a chyrff cyhoeddus yng Nghymru i fabwysiadu ffordd o weithio hybrid fwy cynaliadwy, cynhwysol, hygyrch ac iach.

Bydd yr adnoddau'n cefnogi cynllun cyrff cyhoeddus ar gyfer gweithio hybrid a dyfodol digidol, â'r nod o godi sgiliau defnyddwyr y pecyn cymorth, er mwyn iddynt allu ymgysylltu'n fwy effeithiol gydag amgylcheddau gweithio hybrid a thrawsnewid digidol newydd, a chynnal ffocws ar eu llesiant.

Bydd yr adnoddau hyn ar gael am ddim i'r defnyddiwr drwy lwyfannau dysgu am ddim y Brifysgol Agored - OpenLearnCymru.

Cynhaliwyd cyfweiliad â Phennaeth y Gwasanaethau Academaidd, Sarah Jones, am y gwaith ar sgiliau digidol i'w cynnwys yn y cyrsiau hyn.


Prifysgol Wreccsam Glyndŵr

Mae timau Sgiliau Dysgu'n darparu cymorth un i un, gweithdai a darlithoedd ar y sgiliau sydd eu hangen ar fyfyrwyr i'w helpu i gwblhau eu rhaglen astudio sy'n cwmpasu tri phrif maes astudio academaidd: Adnoddau Dysgu, Sgiliau Academaidd a Dysgu Digidol.

Yn ystod blwyddyn academaidd 2021 – 22 cyflwynodd y tîm Sgiliau Dysgu gyfanswm o 1181 o sesiynau i 4025 o fyfyrwyr dros gyfanswm o 1800 o oriau staff. Mae hyn yn cynrychioli cynnydd o 26% yn y galw ers y flwyddyn flaenorol.

Dysgwyd 224 o sesiynau grŵp i 3068 o fyfyrwyr, cynnydd o 136 o sesiynau a 483 o fyfyrwyr. O'r 224 sesiwn grŵp, cyflwynwyd 186 mewn ystafelloedd dosbarth i 2900 o fyfyrwyr ar gais staff academaidd.

Mae'r tîm Llyfrgell ac Adnoddau Dysgu a'r tîm Dysgu Digidol yn parhau i dyfu a datblygu eu galluoedd mewn Dysgu Digidol a Gwasanaethau Llyfrgell mewn ymateb i'r galw a disgwyliadau cynyddol gan y corff o fyfyrwyr.

Tîm Dysgu Digidol 12-2 Galw heibio @ Llyfrgell Neu rhwng 9am-4.30pm E-bost: vle@glyndwr.ac.uk Ffôn: 01978 293428		Digital Learning Team 12-2 Drop-in @ Library Or between 9am-4.30pm E-mail: vle@glyndwr.ac.uk Phone: 01978 293428
---	---	---

Mae Dysgu Digidol yn cefnogi staff a myfyrwyr drwy gynnig sesiynau galw heibio dyddiol o ddydd Llun tan ddydd Gwener.

(

Nicola Watkinson)



Lleisiau Eithriedig 2022

Cynhaliwyd cynhadledd WHELF ar-lein ar 29 Mehefin 2022 ac roedd ar agor i gydweithwyr o lyfrgelloedd, amgueddfeydd a sefydliadau'r sector treftadaeth ledled y DU ac Iwerddon. Yn 2022, ein nod oedd adeiladu ar y themâu sylfaenol a osodwyd yn y gynhadledd **Lleisiau Eithriedig** gyntaf. Deliwyd â chynwysoldeb a hygyrchedd mannau (ffisegol ac ar-lein) ac edrychwyd ar y ffyrdd y gall croestoriadedd lleisiau ffurfio polisi, casgliadau, gwasanaethau a diwylliant sefydliad. Roedd **Lleisiau Eithriedig 2022** yn arddangos y ffyrdd y gallwn barhau â'r gwaith i chwalu rhwystrau ym mhle bynnag rydym ni'n eu canfod.

Y prif siaradwyr oedd **Mymuna Soleman** o'r *Privilege Cafe*, Caerdydd a **Teresa Waldron**, sylfaenydd a Chyfarwyddwr Rheoli *Deafinitely Women*:— sefydliad yn Swydd Derby sy'n darparu gwybodaeth a chyfleoedd addysgol i fenywod B/byddar a byddarddall

Grŵp Dysgu ac Addysgu WHELF


Cynhaliodd **Grŵp Dysgu ac Addysgu WHELF** TeachMeet ar thema Penderfyniadau ar Sail Data ar 1 Medi 2022.

Prif siaradwr y digwyddiad oedd Amy Stubbing (@Amyodo), awdur ***Data Driven Decisions***.

Ar hyn o bryd Amy yw'r Arweinydd Ymgysylltu Academaidd ym Mhrifysgol Westminster lle mae hi'n gyfrifol am gynllunio strategol a datblygu'r ddarpariaeth cymorth dysgu yn y brifysgol, gan gynnwys cyswllt academaidd a datblygu dysgu academaidd.

Yn dilyn hyn cafwyd cyflwyniad gan John Dalling, Pennaeth Casgliadau ym Mhrifysgol Cymru y Drindod Dewi Sant, sy'n gyfrifol am Dîm Casgliadau'r Llyfrgell. Mae'r tîm hwn yn rheoli casgliadau digidol a phrint y Llyfrgell ynghyd â'r systemau a gwasanaethau darganfod, gan gynnwys System Reoli'r Llyfrgell, Catalog y Llyfrgell a'r wefan.

Trafododd John gydgyrnhoi adroddiadau data llyfrgell PCDDS yn defnyddio Microsoft PowerBI.



Archifau a Chasgliadau Arbennig

Mae **Grŵp Archifau a Chasgliadau Arbennig** WHELF yn cydweithio i hyrwyddo a chodi ymwybyddiaeth o ehanger ac amrywiaeth casgliadau arbennig yng Nghymru.

Prif ffocws ein gwaith dros y flwyddyn ddiwethaf fu cefnogi ein gilydd a rhannu arbenigedd i wella darganfyddoldeb archifau a chasgliadau arbennig.

Eleni croesawon ni **Siân Collins** i'r Grŵp fel Cynrychiolydd newydd Prifysgol Cymru y Drindod Dewi Sant, yn ei rôl newydd yn Bennaeth Casgliadau Arbennig ac Archifau.

Ffarwelion ni â Doreen Barnaville, oedd yn ymddeol o'i rôl ym Mhrifysgol Metropolitan Caerdydd. Bydd y grŵp yn gweld eisiau Doreen yn fawr, ond mae ei holynydd **Aimee Jones** eisoes wedi ymgartrefu'n dda.

Archifau a Chasgliadau Arbennig



Haf 2022 oedd y tro cyntaf i'r Grŵp gyfarfod wyneb yn wyneb ers cyn cyfnod clo 2020. Agorwyd y gwahoddiadau i unrhyw aelodau o WHELF a allai fod â diddordeb mewn dilyn gyrfa ym maes archifau neu gasgliadau arbennig.

Cynhaliwyd y cyfarfod yn Amgueddfa Genedlaethol Caerdydd ac roedd ar fformat hybrid wyneb yn wyneb/rhithwir yn sgil streic reilffordd annisgwyl. Roedd y teithiau'n cynnwys ymweliad â Chasgliadau Arbennig ac Archifau Prifysgol Caerdydd, Taith Tywys Hanes Menywod ym Mharc Cathays dan arweiniad **Sara Huws**, Swyddog Ymgysylltu Dinesig Prifysgol Caerdydd, a thaith yn y Brif Lyfrgell yn yr Amgueddfa Genedlaethol.

Mae'r Grŵp yn edrych ymlaen yn fawr at ychwanegu'r cyfarfodydd agored hyn i'r calendr blyneddol, oherwydd nid yn unig mae'n fantais i aelodau ymweld â chasgliadau ei gilydd, mae hefyd yn hyrwyddo ein gwaith i aelodaeth ehangach WHELF.

Newyddion Grŵpiau WHELF

Bu **Gwasanaethau Cwsmeriaid** yn cydweithio ar arfer gorau ar gyfer y 'normal newydd' yn dilyn dychwelyd i'r campws ar ôl pandemig Covid-19. Maent yn cynllunio rhywfaint o waith ar brofiad defnyddwyr ar leoedd mewn llyfrgelloedd.

Hefyd ail-lansiodd y grŵp gytundeb benthyca Cilyddol Caerdydd, y mae Prifysgol De Cymru wedi ymuno ag ef bellach, a thrafodwyd ail-lansio cynlluniau rhanbarthol fel CLIC a SWAMP.

Cyfarfu **EDI** yn rheolaidd drwy gydol y flwyddyn gan weithio ar ddigwyddiad llwyddiannus ***Lleisiau Eithriedig 2022***.

Bu **Dysgu ac Addysgu** yn cydlynu'r digwyddiad Rhestrau Darllen Llwyddiannus gydag **LMS** a dechreuwyd drafftio syniadau ar gasglu data i'r Grŵp Dadansoddeg Cyffredin eu trafod.

Roedd **LMS** yn ymwneud â chynhadledd ***IGeLU 2022*** a gwnaeth pedwar aelod o'r grŵp gyflwyniadau. Parhaodd cynllun ***Rhyngfenthycia Plus WHELF*** i ddenu aelodau newydd.

Edrychodd **Ymchwil** ar adfywio eu haelodaeth a chyfethol cydweithwyr â diddordeb mewn mentrau a phrosiectau a chael cymorth ar gyfer datganiad OA/OR sy'n cwmpasu natur amrywiol aelodau WHELF.

Roedd **WHEEL** yn ymwneud ag Is-grŵp Metadata SUPC, gan gynrychioli WHELF a chynorthwyo gyda llywio gofynion metadata cytundeb fframwaith newydd SUPC.

Bu cynrychiolwyr o grwpiau **LMS, WHEEL a Metadata** yn cydweithio ar beth y gellid ei drafod yn ddefnyddiol mewn *Gweithdy Alma Community Zone* - nodi arfer gorau, gofynion y tendr LMS nesaf, opsiynau darganfyddoldeb ar gyfer tanysgrifio ac OA .

LMS WHELF a Rennir

Buddion LMS Cyffredin WHELF 2021/22

Yn 2016 cwblhaodd y 9 llyfrgell addysg uwch yng Nghymru, Ulyfrgell Genedlaethol Cymru a llyfrgelloedd GIG Cymru gyflwyno Alma a Primo Ex Libris. Mae buddion rhannu system Rheoli a Darganfod Ulyfrgell yn dal i gael eu gwireddu.

Arbedion cost

Arbediad o £150K bob blwyddyn ar danystrifed system drwy bwrcau fel consortïwm. Arbediad o £7200 bob blwyddyn gan fod Ulyfrgell Genedlaethol Cymru'n darparu cyfleithiad Cymraeg ar gyfer holl ryngwynebau system y llyfrgelloedd.

Cytunwyd ar estyniad fr contract yn 2021 sy'n weithredol tan 2026. Anweiniodd trafodaethau cydweithredol at genlyniad buddiol fr holl seilodau.



Cynhadledd Igelu 2022

Cynhaliodd WHELF gynhadledd Igelu (Grŵp Rhyngwladol Defnyddwyr Ex Libris) ym mis Medi 2022. Fe'i cynhaliwyd dros 4 diwrnod yn amgylchedd ysblennydd Coleg Brenhinol Cerdod a Drama Cymru. Roedd yn gynhadledd hybrid gyda thros 700 o gynrychiolwyr o bedwar ban byd.

Yn ogystal â chymnal y gynhadledd, bu seilodau WHELF yn cyflwyno sesiynau Bronwen Blatchford - "WHELF+ Interlending and Rapid ILL", Alison Harvey - "Unlocking your collections with Alma Digital and IIIF", Andrew Brown - "Using Design Thinking to create a new process for purchasing", Jenny McNally - "Working together without a network zone".



Mae'r grŵp dadansoddeg cyffredin wedi parhau i weithio ar greu adroddiadau cyffredin yn Power BI. Mae'n rhw hefyd wedi edrych ar sut mae llyfrgelloedd yn casglu dangosyddion perfformiad allweddol.



Grŵp newydd a ffurfiwyd i weithio gyda'i gilydd ar UX ar ddarganfod. Mae pob seilod-llyfrgell yn dewis maes i ymchwilio iddo ac offeryn UX i'w ddefnyddio. Byddwn yn rhannu'r broses ar canlynied a twriedd i'w seilodau seilodau achos.

Rhyng-fenthyca WHELF+

Mae cynllun rhyngfenthyca WHELF+ yn parhau i weithredu'n llwyddiannus. Mae'n cynyddu casgliadau ac yn cyflwyno arbedion cost. Bellach mae gennym ni 15 o seilodau a chroeswyd 2 llyfrgell newydd yn 2022 - Harper Adams, yr Amgueddfa Astudiaethau Natur a Phrifysgol Cumbria.

Yn 2022, cyflwynwyd 4191 o eitemau drwy'r cynllun gydag arbediad o dros £33K ar draws yr seilodau.

Rhannu Profiad

Yn ogystal â chyfarfodydd misol i drafod materion systemau a rhannu cyngor, cynhelir sesiynau datblygu rheolaidd. Mae'r pynciau wedi cynnwys gwirio stoc, Alma Digital, ffurfweddu benthygiadau gwylau a sesiwn gyda thim cynnwys Ex Libris.

Ym mis Tachwedd 2021, cynhaliwyd 2 ddiwrnod MUB ar-lein. Cyflwynodd seilodau WHELF sesiynau gan gynnwys darganfod, Sif gwaith elyfrau a chyflwyniad i APIs.



Rydym ni'n monitro ar gyfer datblygiadau newydd ac yn cydweithio i asesu'r budd i llyfrgelloedd unigol a WHELF. Rydym ni wedi ymchwilio Stackmap, Yewno, Rapido ac wedi cyfrannu at ddatblygu Rheoli Casgliadau Ex Libris.

IGeLU 2022



©Goleg Brenhinol Cerdd a Drama Cymru (CBCDC)

Dylai cynhadledd flynyddol **IGeLU** (International Group of Ex Libris Users) fod wedi'i chynnal yng Nghaerdydd ym mis Medi 2020, ond bu'n amhosibl cynnal cynullïadau wyneb yn wyneb am ddwy flynedd oherwydd y pandemig.

O'r diwedd, bu'n bosibl i IGeLU ddod i Gymru, ac fe'u croesawyd yn fedrus i Goleg Brenhinol Cerdd a Drama Cymru (CBCDC) sy'n agos iawn i ganol y ddinas ger Prifysgol Caerdydd, Castell Caerdydd, Amgueddfa Cymru-Museum Wales a Pharc Biwt.

Cafodd cynrychiolwyr IgeLU hefyd gyfle i ymweld â Chasgliadau Prifysgol ac Amgueddfa Cymru.

Roedd yr adborth yn gadarnhaol iawn, a'r consensws oedd ei fod yn wych gallu cyfarfod wyneb yn wyneb unwaith eto.

IGeLU 2022



Cyflwynodd Mark Hughes, (yn y llun) Pennaeth Llyfrgelloedd – Prifysgol Metropolitan Caerdydd ac Is-gadeirydd WHELF sgwrs o groeso ddydd Mawrth 13 Medi.

Daeth siaradwyr o bob rhan o'r byd. Mae WHELF yn falch i adrodd bod pedwar o'r rhain yn dod o'i aelod-sefydliadau:

WHELF shared LMS: working together without a Network Zone – Jenny McNally, Rheolwr Busnes LMS WHELF a Gareth Owen, Prifysgol Caerdydd.

WHELF+ peer-to-peer interlending and implementing RapidILL: rethinking document supply at Cardiff University - Bronwen Blatchford, Prifysgol Caerdydd.

Unlocking your collections with Alma Digital and IIF - Alison Harvey, Prifysgol Caerdydd.

Using Design Thinking to create a new process for purchasing from Leganto Reading Lists – Andrew Brown, Prifysgol Abertawe

Intern Ôl-raddedig WHELF -Arolwg Cenedlaethol y Myfyrwyr (NSS).

Sefydlwyd grŵp EDI WHELF yn 2020 a nodwyd meysydd gwaith cydweithredol posibl, gan gynnwys *Arolwg Cenedlaethol y Myfyrwyr (NSS)*.

Mae cwestiwn 19 yr NSS yn gwahodd ymatebion i:

"Mae adnoddau'r llyfrgell (e.e. llyfrau, gwasanaethau ar-lein a manau dysgu) wedi cefnogi fy nysgu'n dda"

Nod prosiect WHELF oedd nodi ac amlygu meysydd o anghydraddoldeb mewn llyfrgelloedd prifysgol ledled Cymru er mwyn i gamau gael eu cymryd. Dewisodd wyth o brifysgolion WHELF gymryd rhan

Roedd Prifysgol Caerdydd wedi cynnal dadansoddiad yn ôl mor bell ag 2018 ar gwestiwn 19 yr NSS, yn edrych ar nodweddion oedd ar gael yn y set data – rhyw, statws anabl, ethnigrwydd a rhywedd.

Penodwyd intern graddedig, Kia Duplock, ym mis Mawrth 2022 i gynnal yr adolygiad.

Cyflwynodd Kia a Tracey Stanley yn *Lleisiau Eithriedig* ac yng Ngholocwium WHELF 2022

Intern Ôl-raddedig WHELF -Arolwg Cenedlaethol y Myfyrwyr (NSS).

Yn unol â throthwyon cyhoeddi NSS, dim ond data oedd ag o leiaf 10 ymateb gan fyfyrwyr a chyfradd ymateb o 50% a ddadansoddwyd.

Lle'r oedd cyfraddau ymateb yn is na'r trothwy hwn, ni chafodd y data ei ddadansoddi. Felly roedd rhai bylchau yn y data a gyflwynwyd.

Crynodeb o'r pwyntiau:

- Roedd yn ymddangos bod 6 o'r 8 prifysgol yn dangos cyfradd uwch o foddhad ymhlith myfyrwyr benywaidd o'u cymharu â myfyrwyr gwrywaidd ond mae'r gwahaniaethau yn fach.
- Roedd yn ymddangos bod gan bob prifysgol ganlyniadau gwahanol o ran anabledd.
- Cafwyd rhai tueddiadau o anfodlonrwydd uwch i fyfyrwyr gydag 'eraill'
- Roedd y gyfradd o foddhad ymhlith myfyrwyr Du yn gymharol uchel pob blwyddyn gan gynnwys 2021
- Ni ymddangosodd unrhyw dueddiadau mewn perthynas â phreswyllo.

Mae WHELF yn defnyddio'r data i wneud gwahaniaeth e.e. wrth lunio achos i wella hygyrchedd cyfleusterau, rhannu gyda grwpiau EDI a phwyllgorau addysg prifysgolion, ac fel data a thystiolaeth i *Athena Swan*.



Colocwïwm Blynyddol WHELF 2022

Cynhaliwyd Colocwïwm 2022 WHELF ar-lein dros ddau ddiwrnod a hanner ddydd Mawrth 14 a dydd Mercher 15 Mehefin 2022.

Ailuno ein cymunedau: Ein Llyfrgelloedd, Ein Defnyddwyr a Ni ein Hunain

Bu'r gynhadledd yn dathlu bod ein proffesiwn yn ailuno ar ôl cyfyngiadau Covid-19, yn gweithio gyda'n gilydd unwaith eto yn ein llyfrgelloedd a mabwysiadu arfer gorau o'r dechnoleg rithwir newydd rydym ni wedi addasu iddi dros y ddwy flynedd ddiwethaf. Nod y digwyddiad eleni oedd croesawu wynebaw cyfarwydd yn ôl a chyflwyno cydweithwyr newydd sydd wedi ymuno â'n cymuned yn ystod y cyfnod digynsail hwn i'r ystod eang o waith sy'n digwydd yn WHELF.

Bwrdd WHELF 2022



Cadeirydd WHELF

Alison Harding

Is-gadeirydd WHELF

Mark Hughes

Trysorydd WHELF :

Julie Hart

Swyddog Datblygu WHELF

Gill Morris

Rheolwr Busnes WHELF LMS :

Jenny McNally

Prifysgol Aberystwyth: Julie Hart, Cyfarwyddwr Cynorthwyol Gwasanaethau Llyfrgell

Amgueddfa Cymru - Museum Wales: Kristine Chapman, Prif Llyfrgellydd

Prifysgol Bangor : Tracey Middleton, Pennaeth y Casgliadau Llyfrgell Gwasanaethau Digidol

Prifysgol Metropolitan Caerdydd: Mark Hughes, Pennaeth Gwasanaethau Llyfrgell

Prifysgol Caerdydd : Tracey Stanley, Cyfarwyddwr Llyfrgelloedd a Llyfrgellydd y Brifysgol

Llyfrgell Genedlaethol Cymru : Dr Owain Rhys Roberts, Dirprwy Brif Weithredwr a Llyfrgellydd (Casgliadau a Rhaglenni Cyhoeddus)

Llyfrgell y Brifysgol Agored : Gary Elliott-Cirigottis, Pennaeth Gwasanaethau Llyfrgell

Cyfoeth Naturiol Cymru : Beth Hall, Arweinydd Tîm Rheoli Gwybodaeth a Cofnodion

Coleg Brenhinol Cerdd a Drama Cymru: Judith Dray, Pennaeth Gwasanaethau Llyfrgell .

Prifysgol Abertawe; Robin Armstrong Viner, Cyfarwyddwr Cysylltiol: Pennaeth y Llyfrgell

Prifysgol De Cymru: Emma Adamson, Cyfarwyddwr Gwasanaethau Dysgu

Prifysgol Cymru y Drindod Dewi Sant : Alison Harding, Pennaeth Gweithredol o Adnoddau Llyfrgell a Dysgu

Prifysgol Glyndŵr Wrecsam : Nicola Watkinson, Llyfrgellydd y Brifysgol